


Bibel fa Kjinja
brinjt junt



Elisa un Wunda
Gottes



Jeschräwen von: Edward Hughes

Jemolt von: Lazarus

Toom Pauss jestalt von: Ruth Klassen

Äwasat von: Ed Zacharias

Hääjestalt von: Bible for Children
www.M1914.org

©2011 Bible for Children, Inc.

Jesazlich: Du doascht dise Jeschicht oppnämen
ooda drekjen, soo lang aus du dee nich vekjafst.



Doa wieren nich
jenuach Ossen toom
dän Pluach trakjen;
doa fäld noch
eena.



Daut hilt disen jungen Foarma,
Elisa, nich opp; hee
stald sikj en de Städ
von een Oss un jinkj
plieejen.



Hee wia stoakj, un
bedocht un kunn
sea oabeiden.






Un doa biem
plieejen kjeem
Elia, Gott sien
Profeet, un roopt
am. De junga Maun
veleet de Foarm
un

jinkj Gott
deenen.



Een Dach naum
Gott Elia nom
Himmel en eenen
Wint. Nu wia Elisa
Gott sien Profeet.




A colorful illustration of a landscape. On the left, a tree with green foliage stands against a blue sky. In the foreground, a yellow cloth is draped over a brown, rocky mound. To the left of the mound, a red cloth is draped over a green bush. A white bird with a long, pointed beak is perched on the right side of the mound. The background features a blue sky and a green horizon line.

Elisa wia daut schod
daut Elia wajch wia.
Hee bäd daut Gott
am soone Krauft

jäwen wudd
aus Elia
haud.





Elisa naum Elia sienen
Rock un schluach
daut Wota em
Riefa doamet,

soo aus
Elia haud.



Daut Wota deeld
sikj! Dit weess Elisa
daut Gott met
am wia.





Opp Elisa
sienen Wajch
no de Staut
Betel, roopten
waut Junges
toom Spott,
"Go nopp,
Kolkopp!"





Dee
wia daut
eendoont
daut Elisa
Gott deend.
Daut hauden
see nich sult
doonen.







Doa
kjeemen
dan twee
Boaren utem
Woolt un
vereeten
42 von de
Junges.




Een Dach troff
Elisa eene
Wätfru;
see wia
waut Jelt
schuldich
un kunn daut
nich betolen.



Nu wullen see
wääjen de
Schult äare
Säns aus
Sklowen
nämen.






Dan säd Elisa,
"Go un lie
die ladje
Jefässa
von diene
Nobasch."
Gott wudd
een Wunda
doonen fa
de Fru.



De Wätfru haud mau eene kjliene
Buddel Eelj tus. Oba von de Buddel
goot see aul de Jefässa voll. De
Fru jinkj dan un
vekoft Eelj, daut
see äare Schult
betolen kunn, un
äare Junges nich
wajch-jenomen
worden.




Eene aundre Taunte
un äa Maun
muaken eene
besondere
Stow
reed,
soo daut
Elisa doa
bliewen kunn
wan hee doa vebie jinkj.




Doa wia een Bad,
een Desch un
Stool, un eene
Laump en
de Stow.
Dee wia
emma
reed fa
Elisa.




Elisa wull de Lied jieren waut
togood doonen, wiels see am soo
holpen. Aus Elisa enwort, daut de
Lied kjeen Kjint
hauden,
säd hee to
de Taunte,
"Bie disen Tiet
näakjst Joa woa
jie een Junkje haben."



Un werkjlich, een Joa
lota hauden see een
Bäbe Junkje.




Een poa Joa lota wia de Jung met
sien Pape oppe Stap. "Mien Kopp!
Mien Kopp!" säd hee.



See naumen am no siene Mame un
see hilt am bat Meddach opp äare
Schoot; un dan storf hee. Dan läd
see am en daut

Bad en
Elisa
siene
Stow.



Wää wudd ar halpen kjennen?



Veleicht Elisa? Jo! See leet dän
Äsel oppsodlen, un reisd soo
bosich aus see
kunn, Elisa
sieekjen.



Hee kjeem uk no äa Hus, jinkj oppem
Bän no siene Stow, un gauns auleen
bäd hee doa, un
Gott jeef däm

Jung
wada
sien
Läwen.



Elisa roopt siene Mame
un säd, "Doa, nemm
dienen Sän."





Nich wiet auf en
daut Launt Aram,
wond Naaman de
Kommandant enne
Armee. Hee wia huach
aunjeseenen en sien
Launt, oba hee haud
eene schlemme
Hutkrankheit.




Naaman siene
Fru haud eene
Sklowen Mejal,
dee see en Israel
faustjenomen
hauden.



De Mejal säd, "Wan dien
Maun doch kunn no
dän Profeet en
Samaria gonen.
Dee wudd am
kjennen von siene
Hutkrankheit
frie moaken."



Boolt wia Naaman oppem Wajch nom
Profeet. Hee brocht Selwa, Golt un
schmocke Kjeleeda aus Jeschenkja.



Elisa sien Deena jinkj
am bejreessen
un säd, "Go un
wausch die
säwenmol em
Jordan. Dan
woat dien
Fleesch wada
rein sennen."



Dit stieed
Naaman;
kunn hee sikj
nich en sien
Launt en
reinet Wota
wauschen.



Gauns
oppjeräacht,
wonk hee
sienen
Woagen
trigj no
Hus.





Toom jlekkj kunnen
siene Deena am
beräden, Elisa
to jehorchen.
Naaman jinkj
rauf nom Jordan,
un dukt sikj
säwen mol
em Wota.





Un dan wia hee
jesunt! Nu bäd
Naaman dän
woaren Gott,
Elisa sienen
Gott, de HAR
dee am von de
Hut-krankheit
jeheelt haud.





Uk aus Elisa
ieescht jestorwen
wia, deed Gott
Wunda derch
am. Een Dach
wort een Maun
begroft wua
Elisa wia
wajch-jelajcht.





Aus de
jestorwna aun
Elisa siene Knoakes
naun jelaicht
wort, stunt
dee wada opp.
Gott weess
siene groota
Krauft derch dän
Profeet Elisa.



Elisa un Wunda Gottes

Eene Jeschicht von en daut Wuat
Gottes, de Bibel

finjt eena en

2. Kjennichs 2-13

"Wan dien Wuat openboat woat,
jefst daut Licht." Psalm 119:130



Daut Enj



Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmel! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.



Wan du dit jleewen kaust, dan saj to Gott:
Leewa Jesus, ekj jleew daut du Gott best, un
worscht een Mensch toom fa onse Sind to
stoawen, un daut du nu wada läfst. Komm en
mien Läwen un vejfeff mie miene Sinden, soo
daut ekj nu nieet Läwen haben kaun, un noch
emol opp emma no die kom. Halp mie daut ekj
die jehuarsom sie, un fa die läw aus dien Kjint.
Amen.

Lass de Bibel un räd jieda Dach met Gott!
Joh. 3:16

